

SKIPULAGSSKRÁ

um Styrktarsjóð Svavars Guðnasonar og Ástu Eiríksdóttur.

1. gr.

Sjóðurinn heitir Styrktarsjóður Svavars Guðnasonar og Ástu Eiríksdóttur. Heimili hans og varnarþing er í Reykjavík.

2. gr.

Stofnfé sjóðsins er kr. 6 000 000 og íbúð Ástu Eiríksdóttur að Háaleitisbraut 111, 4. hæð t.h. nú að fasteigna- og lóðamati kr. 7 349 000. Sú kvöð fylgir, að Ásta fær að nota íbúðina án endurgjalds, en greiðir allan kostnað við rekstur íbúðarinnar og fasteignagjöld. Heimilt er Ástu í samráði við stjórn sjóðsins að selja íbúðina, ef hún af heilsufarsástæðum þarf að skipta um húsnæði. Sjóðurinn eignast hið nýja húsnæði og verði söluandvirði herra en kaupverð, rennur mismunurinn til sjóðsins. Afsal fer fram samkvæmt sérstöku gjafabréfi, þegar sjóðurinn hefur hlotið staðfestingu dómsmálaráðherra.

3. gr.

Sjóðinn skal ávaxta í ríkistryggðum skuldabréfum, ríkisvixlum, bankabréfum, innstæðum í bönkum eða sparisjóðum.

4. gr.

Tekjur sjóðsins skulu vera:

- a. Vextir og arður af eignum sjóðsins.
- b. Framlög og gjafir, sem sjóðnum berast.
- c. Minningargjafir með útgáfu minningarkorta.
- d. Aðrar tekjur.

Gjöld sjóðsins skulu vera:

- a. Styrkir.
- b. Rekstrargjöld.
- c. Önnur gjöld.

5. gr.

Markmið sjóðsins er að styrkja efnilega unga myndlistarmenn.

6. gr.

Stjórn sjóðsins skipa 3 menn. Meðan Ásta Eiríksdóttir er á lífi skipar hún þá alla og 2 varamenn. Að henni látinni skal safnráð Listasafns Íslands skipa þrjá menn og skal einn þeirra vera úr starfslíði safnsins. Skulu þeir skipaðir til fjögurra ára í senn.

7. gr.

Stjórn sjóðsins auglýsir í september annað hvort ár eftir umsóknum um framlag úr sjóðnum. Skulu 3 aðilar meta umsóknir og úthluta styrk (styrkjum). Safnráð Listasafns Íslands tilnefni einn mann (formann), Myndlista- og handíðaskóli Íslands annan og Samband íslenskra myndlistarmanna þann þriðja. Stjórn sjóðsins skal gæta þess, að menn þessir séu hæfir.

Úthlutun skal fara fram í október annað hvort ár, í fyrsta skipti 2 árum eftir að sjóðurinn fær staðfestingu. Skal verja $\frac{1}{4}$ af vaxtatekjum sjóðsins til styrkja. Höfuðstól sjóðsins verðtryggðan má ekki skerða.

8. gr.

Reikningsár sjóðsins skal vera almanaksárið og skulu reikningar endurskoðaðir af löggiltum endurskoðanda.

9. gr.

Ákvæðum 3. og 5. gr. skipulagsskrárinnar má ekki breyta, en aðrar breytingar má gera á henni, ef allir stjórnarmenn eru því fylgjandi.

10. gr.

Eftir 50 ár frá stofnun sjóðsins má leggja hann niður. Eignum sjóðsins má þá verja til kaupa á listaverkum til handa Listasafni Íslands, einkum verkum Svavars Guðnasonar.

11. gr.

Leita skal staðfestingar dómsmálaráðherra á skipulagsskrá þessari, sbr. lög nr. 19/1988 um sjóði og stofnanir, sem starfa samkvæmt staðfestri skipulagsskrá.

Gert í Reykjavík, 2. september 1993.

Ásta Kristín Eiríksdóttir,
kt. 280112-5699.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

Dóms- og kirkjumálaráðuneytið, 15. september 1993.

F. h. r.

Þorsteinn Geirsson.

Jón Thors.

AUGLÝSING

um breytingu á gjaldskrá Rafmagnsveitna ríkisins.

Samkvæmt 29. gr. orkulaga nr. 58, 29. apríl 1967 hefur ráðuneytið staðfest eftirfarandi breytingu á gjaldskrá Rafmagnsveitna ríkisins, er taki gildi 1. október 1993:

Gjaldskrá Rafmagnsveitna ríkisins nr. 306, 29. júlí 1993:

Liður A.1 Almenn notkun	var 6,56 kr/kwst	verður 6,23 kr/kWst
Liður A.2 Vinnuljósanotkun	var 6,56 kr/kwst	verður 6,23 kr/kWst
Liður A.5 Markmæling	var 6,56 kr/kwst	verður 6,23 kr/kWst

Önnur gjöld, svo sem föst gjöld eru óbreytt.

Iðnaðarráðuneytið, 27. september 1993.

F. h. r.

Þorkell Helgason.

Katrín Jóhannsdóttir.